

Wassen Fluchbetrieb iwwer Flerschem

Om letzde Sunndaachmoie hawwe merr om Moo gestonne, de Karl, de Schorsch unn ich unn hawwe in de Himmel geguckt, alls de Moo enuff. Dann hawwe merr die Köpp gedreht unn hawwe iwwer de Kerchegickel geguckt, awwer dort war aach nix ze sehe unn desdeweche hawwe widder de Moo enuff geguckt.

In dem Aacheblick iss de Fritz aus de Eisebohstrooß kumme, hott Gude gesacht, hott sich newer uns gestellt unn hott aach de Moo enuff geguckt.

Ich habb als erster was gesacht: Heit kumme nit vill.

De Schorsch hott genickt: Awwer om Freidaach, was war dess ferrn Fluchbetrieb iwwer Flerschem.

De Karl druff: Unn was die so laut warn. Ei ich habb e Middaachsschläfsche gemacht unn bin doodefoo wach worrn, bin gleich in de Hof unn doo habb ich se geseh.

Ich habb gegrinst. Flieche unn Krach mache, dess kennese.

Do sacht de Fritz: Ess iss wirklich monchmol nit zum Aushalle mett dene Fliecher, ich muss widder mol die Fraport oorufe.

Mir alle drei hawwe de Fritz oogeguckt, bis de Karl gesacht hott: Ei Fritz, mir hawwes nit von de Fliecher, mir hawwes von de Kraniche.

Wie, von de Kraniche? Jetz hott de Fritz uns alle drei noochenonner oogeguckt.

De Karl hott de Fritz uffgeklärt. Ei Fritz, hosde die om Freidaach nit geseh unn geheert? Dausende von Kraniche sinn iwwer Flerschem geflooche, gar nit so hoch, merr konnt se gut erkenne, oon Oonser hinnerm onnern: oon starke Vochel vorneweg unn die onnern so keilförmich hinnerher. Unn beim Flieche rufe die so laut, so dass merr sacht die dete trompete. Ach was warn dess scheene Bilder, ich musst alls enuff in de Himmel gucke.

De Fritz hott de Kopp geschittelt. Ich war doch middaachs im Gadde, awwer ich habb koo Kraniche geseh unn geheert.

Ja, moont de Karl, mir drei warte schunn de ganze Oktower uff die Kraniche. Unn als merr om Mittwoch gelese hawwe, dass verzichdusend von dene zwische Ostsee unn Müritz unruhich wernn unn bald abmache wolle, doo wusste merr, dass merr uffbasse misse. Awwer dass all sesomme on oom oonziche Daach losflieche, dess habb ich noch nit erlebt. Ich denk, weils iwwer Nacht kalt worrn iss hott dene ihrn Häuptling e Kommando gewwe unn doo sinnse all sesomme in die Luft.

De Fritz hott gefroocht: Ei wo komme die dann her unn wo mache die hie?

Ich habbem Antwort gewwe. Die kumme von Skandinavien, von Pole unn aach hier von Deutschland. Unn die meisde von dene flieche nooch Spanien, in die Extremadura. Awwer was iss dann mett unserm Schorsch, der sacht joo garnix mehr?

Emm Schorsch soi Aache warn gonz trüb. Ach ihr Leit. Immer wenn ich die Kraniche seh dann denk ich, dess werdd dess letzde Mol gewese soi, nächstjoehr bin ich vielleicht nimmi doo. So gern ich die Kraniche seh, die mache mich immer traurich.

Moont de Karl: Dess mächt de November, Schorsch. Noch e paar Woche, dann isser erum.

Ich habb dem Schorsch uff die Schulter gekloppt. Unn im Nu iss aach dess Joehr erum.

De Schorsch hott nor gemurmelt: Ja, unn bald aach unser Lewe.

Eiern Honnes